

蘭雪堂古事苑定本

蘭雪堂古事苑定本卷之八

僥安、鄧志謨景南 編輯

戴 珉潔澄

西泠 戴 璉瀾石 叅定

戴 琰師曾

仙佛

釋氏明心見性仙家服氣鍊形靈鷲嶺祇樹園釋林不老藥珠宮闡風苑仙境長春道德五千言老子衍中朝之秘妙相三十種牟尼顯西土之靈偃佺子服松實以

經身佛圖澄。呪蓮花而應口。貯乾坤一壺。藏世界一粟。
釋與仙符。參宗旨三乘。燒金丹九轉。仙從釋合故。玄教
畫江成路。而空門聚石。點頭傳法。度青牛函谷。重重紫
氣。馱經來白馬。紺園藹藹。祥雲參禪妓。女爲尼。魂遊鹿
苑。遣婦書生。入道名在丹臺。無心昌老三。醉岳陽寶日。
禪師半間。衡岫吐飯成蜂。輪化蝶仙。機玄且益。玄浮杯
渡海。錫飛空。佛法妙而愈妙。火棗交梨。總是仙家上藥。
旃檀瓊樹。悉爲釋氏靈苗。旌陽白日上昇。悔殺拖腸之
鼠。慧遠清晨。說偈喜生。伏頸之驚。造逡巡酒。開頂刻花。

仙科秘訣。覆忍辱衣。落煩惱髮。釋氏真傳。鳴磬留夕陽。
捲簾納秋氣。更嘉釋子清脩。安爐烹紫石。閉戶誦黃庭。
猶羨道家至樂。

初學記云。耆闍窟山。中山形如鷲。佛嘗居此。故名。
祇樹園。祇陀太子園。林木茂盛。須達多長者求爲說
法地。太子戲曰。以金布地。可相與。須達多長者以金
布八十頃。精舍告成。諸佛居之。蓬萊山有藥珠宮。
崑崙山有閼風苑。皆神仙所居。崑崙閼風苑有
玉樓十二。玄室九層。左瑤池。右翠水。環以弱水九重。

非。鷖。車。羽。輪。不。可。到。

老子跨青牛傳道
德經詳者英篇

佛經云

釋迦牟尼年十九出家。學道勤行。精進禪定。具妙相

三十二種。

神仙傳云。僊侏子堯時人。總角時愛食

松實。身體遂輕。能飛行如走馬。年歷二百。遂飛升而

去。佛圖澄。晉人。住天竺。妙通禪理。役使鬼神。腹旁

有孔。夜照一室。石勒召試其術。澄取鉢盛水。以口呪

之。遂生青蓮花。

時乾坤一壺壺
公事詳後神曲

東坡贈佛印詩

云。一粒粟中藏世界。言佛法之妙。二乘亦云。三車。

卽上乘中乘下乘之謂。九轉丹道書云。九次循環。

也。搜神記晉吳猛有仙術。自豫章歸江水驟漲無舟。猛乃以扇畫江水。遂成大道。猛過畢乃沒。梁高僧講經於虎丘寺。聚石爲徒。與談涅槃。其石皆點頭。白馬馱經。竺法蘭傳經事。紺園佛所居地。妓

琴操者。叅東坡禪。初問湖中景。妓曰。落霞孤鶩齊飛。秋水長天一色。再問景中人。妓曰。裙拖六幅湘江水。髻挽巫山一段雲。妓問究竟。坡曰。門前冷落車馬稀。老大嫁作商人婦。妓悟。削髮爲尼。唐許邁志求仙道。遺書遺其妻。有云。棲遲巖岫。情愿所終。吾其去矣。

長別離矣。

呂洞賓遊岳陽自稱無心昌老蓋昌字

無心呂字也。

僧實目居衡山詩云萬松嶺上一間

屋老僧半間雲半間雲或有時去行雨回來不似老

僧閒人號半間和尚列仙傳葛玄有仙術與客對

食噴飯成蜂數百皆集客身亦不螫人食久玄乃張

口蜂皆飛入仍復成飯左慈字元放廬江人有道

術嘗指繪化蝶詳後飲饌第二益

劉宋時婺州有僧不知

姓名常乘木杯渡河高僧傳有神僧飛錫凌空而

行釋子曰遊行僧爲飛錫安住僧爲掛錫

火棗交梨

詳後
神仙

佛經瓊樹寸寸是玉旃檀片片皆香比之聖
賢無德不備喻之經文無字不工。列仙傳許旌陽
得道舉家白日上昇。雖雞犬亦偕去。惟鼠惡其不潔。
擠下之。後鼠自悔。吐易其腸。至今有拖腸鼠。靜影
寺僧慧遠養一鷲。遠每講經鷲卽伏地而聽。若說他
事則翺翔而去。造逡巡酒開頃刻花。韓湘子事。詳前
天類要云僧出家覆以忍辱之衣。落以煩惱之髮。
忍辱衣。謂袈裟韓公伯僧寺詩。鳴磬夕陽盡。捲簾秋氣來。
老僧無俗慮。明月湛丹臺。爐烹紫石。指煉丹華。

神仙

玉醴金漿飛騰藥餌霓旌羽蓋護從威儀少室簇州霞
總是逍遙之處瑤池臘風月無非宴飲之區卷龜殼食
蛤蜊汗漫之遊可羨食朝霞飲沆瀣真修之訣誰知蛻
殼解屍副身焉用伐毛洗髓真性常存食冰桃碧藕乃
人間希有之珍玩瑤草琪花固天上不凡之種胡麻飯
炊成於碧洞雲厨玄霜丸搗就於藍田玉杵曾憶乘龍
而輕舉還聞食蠶而遽成妙法通玄虛靜之虎龍並供
餘丹留瀝劉安之雞犬皆升燒黃煉白葛洪覓勾漏丹

砂拾紫拓青阮肇採天台妙藥米拋地上麻姑戲處便
成珠石出懷中雍伯種來還是玉清溪道士鶴一隻雲
裏翩翩葉縣郎官鳧對飛空中矯矯巖下清風黑虎賣
董仙丹杏山間明月彩鸞棲張叟絲筠巴邛園內風光
好橘中二老圍棋長安市上物華妍壺內一翁欹枕趙
惠宗火中化鶴豈避烽炎左真人盆裏引鱸不須烟浪
安期曾食棗如瓜蕭靜更食芝似肉乘鯉入重溟琴高
樂矣騎龍升碧落黃帝飄然孫居士大嘯一聲山鳴谷
應陳先生長眠數覺物換星移太上君赤松子恰稱天

府之者。尊許飛瓊。尊綠華。便是仙宗之。葩屬蕭史。吹簫傳雅曲。引來鸞鳳之羣。旌陽淬劍。耀寒芒。驚破蛟螭之膽。雲夢洞中。鬼谷壽筭無窮。崆峒山上。廣成精神益玉。麻姑指甲。堪搗瘰。我意猶然。老子鬚眉可上圖。人言不

晉許穆爲護軍長史。入華陽洞得道。王母第二十女紫微夫人常降之。後書與穆曰。玉醴金漿。交梨火棗。飛騰藥也。以君心猶荆棘相雜。是以二樹不見。六帖仙人羽蓋霓旌。霞衣風馭。地輿志華山有東西

二石室東云太室西云少室皆仙人所居 瑤池王
母所居之地 淮南子云盧敖遊北海見一士深目
玄準卷龜殼而食蛤蜊敖曰夫子可與敖爲遊矣士
笑曰我南遊罔其之野北息沅黔之鄉西窮溟漢之
里東貫鴻毛之光吾方與子汗漫遊九垓之上 大
人賦吸沆瀣食朝霞 漢武內傳黃眉翁謂東方朔
曰吾却食服氣三千年一洗髓三千年一伐毛吾今
已三伐毛三洗髓矣 周穆王閒宴王母乘鳳輦而
來進萬歲冰桃千年雪藕 瑤草琪花瓊樹之屬惟

仙家有。列仙傳漢劉晨阮肇入天台採藥。見淵
中流有胡麻飯。服之覺身輕。沿流而進。乃遇仙女
成夫婦云。唐裴航遇雲翹夫人。與詩云。一飲瓊漿
百感生。玄霜搗盡見雲英。藍橋便是神仙路。仙必區
區上玉京。後過藍橋。見一老嫗求漿。嫗令雲英擎一
甌飲之。遂得娶成仙云。陶安公得道。七夕日有龍
迎之而去。真誥云。經函中有蠹食神仙字。服之可
仙。列仙傳張虛靜天師煉丹既成。龍降虎伏。劉安
詳前者英雍列仙傳葛洪字稚川善導養術閒交
伯詳前婚姻

趾出丹砂。求爲勾漏。令煉而服之。後屍解。飛升而去。
列仙傳。麻姑降蔡經家。取米數升。撒於地上。悉成
真珠。方平謂曰。姑年少。好爲此。吾則不爲也。唐玄
宗贈清溪道士詩云。清溪道士人不識。上天下天鶴
一隻。洞門深鎖。白雲閒。滴露研硃點。周易今廬州有周易亭漢顯宗
時。王喬爲縣令。有神術。每朔望朝。帝怪其來。數不見。
車騎密令太史伺望之。言其臨至。有雙鳧從南飛。於
是舉羅張之。但得雙鳧。詔尚方視。則所賜尚方履也。
列仙傳云。吳董奉居廬山。爲人治病。不索謝。精重

愈者令種杏五株。病輕者一株。杏成林實熟時買杏者將穀一石。便取杏一石。取多者有黑虎逐之。故曰虎賣杏。張虛靜天師隱龍虎山。結廬而處。有彩鸞棲鴉其上。作詩有結廬高處無人到。夜半彩鸞棲綠筠之語。巴邛人家有橘。霜後諸橘盡收。餘二大橘。如三四斗盞。巴人剖開。每橘有二叟。鬚眉皓然相對。弈棋。身長尺餘。談笑自若。一叟曰。橘中之樂不減商山。但不得深根固蒂耳。一叟曰。僕餓虛矣。須龍肝脯食之。卽於袖中抽出一草根。方圓徑寸。形狀宛轉如

龍因削食之。隨削隨滿。食訖。以水喫之。化爲一龍。因
與共乘之。足下雲起。須臾風雨晦明。不知所在。也。盤盆

列仙傳。壺公賣藥長安市。懸一壺於肆頭。日輒入
壺中休息。費長房見而異焉。再拜求入。公與之俱入。
見樓臺壯麗。驚曰。此別一乾坤也。遂從公學道。列

仙傳。趙惠宗。宜都人。得九天仙籙。唐天寶未積薪自
焚。怡然坐火中。誦度人經。乃化爲瑞雲。仙鶴而去。

神仙傳。左慈有仙術。曹操宴客。曰。席間所少者。松江
鱸耳。慈索銅盆貯水。釣之。須臾引鱸魚數尾而出。曹

嘗出郊慈持酒一升脯一斤親手取酌百官皆近地
操惡其怪欲殺之慈却入壁中忽然不見或見於市
眇一目漢武內傳李少君以却老方見武帝曰臣
嘗遊海上見安期生食巨棗大如瓜漢謝暉探得
一物類人羊肥潤而紅烹而食之齒髮更生力壯貌
少道士顧靜之曰所食老肉芝也蒜等龜鶴矣列
仙傳琴高善鼓琴後得仙乘赤鯉來人間後又乘赤
鯉復入水去史記黃帝鑄鼎荆山鼎成有龍迎之
上升因名其地鼎湖韻府羣玉孫登得仙道寓燕

門阮籍訪於其處與談時事不應及退至半嶺聞有
聲若鸞鳳乃登之巔也韻府羣玉陳搏隱於睡
每睡必數月而醒羽士冠朝一學其睡之大畧劉垂
範聞其勦疇冠先生睡有樂乃華胥調或曰既有
曲譜記如何曰混沌譜太上隱者赤松子俱二仙
長名西母降武帝殿有侍女四人帝問其名曰
董雙成許飛瓊賈陵華段安香萼綠華女仙也上
下青衣顏色純整故名蕭史詳後樂具許遜字敬之南
昌人晉初爲旌陽令點石化金足遁賦尋棄官歸得

其人術。浪遊江湖。悉斬蛟鱓。除民害。精修山中。年一
百三十六。舉家飛昇。雞犬亦隨去。朱封妙濟真君。
鬼谷先生。晉平公時人。隱居雲夢山。鬼谷在人間數
百餘年。後不知所之。莊子黃帝聞廣成子在。闕
山往見之。問長生之道。廣成子曰。必靜必清。無勞爾
形。無搖爾精。乃可長生。故千二百歲。而形未嘗衰。入
無窮之鄉。游無極之野。與日月參光。與天地爲常。
列仙傳。王方平降蔡經家。使召麻姑。麻姑至。年若十
七八歲。處女手爪似鳥。蔡經見之。默意其可爬。秦忽

有鐵鞭鞭其背。經忍痛未敢言。雲齋錄。楊次公詩。
老子出關圖。作詩云。秘藏函谷關。中央來獻蓬萊關。
上仙願得鬚眉如此老。却教龜鶴美長年。

梵釋

淨土開宗。沙門演教。問宅居奚在。慈悲作室。通慧作門。
詢骨肉爲誰。法喜爲妻。智度爲母。不生不滅。菩提開智。
慧之花。無愛無憂。優鉢結因。緣之果。愛慾海濟。渡大願。
船。光明拳打破痴迷膜。經翻貝葉。許多之秀氣。迎風候。
設伊蒲一種之清香。帶露八功德之水。澄澈無波。一指。
頭之禪。簡明有本。無我相。無人相。須識一空。有戒香。有。
定香。更臻三昧。闡明妙法。渾身便覺。布毛輕認。透此心。
滿口盡稱。柞子熟達。磨言歸於西竺。隻履翩翩。隱慧跌。

坐於南陽雙鳩矯矯一日萬回施妙法歷遍山川三年
百棒悟真機斬新日月此誠一口吸盡西江水難與人
言。豈非兩足踏倒須彌山。祇應自悟亦豈碧眼何人不
是。梵宗白足清癯誰個未知禪味。慧可對達磨斷臂妙
矣。法身歸宗從李渤弄拳。隱然梵訣譚經融至理大千
界內。兩飛花說偈至無言不二門中。雲散朱四大身若
無。若有三乘法愈究竟。精德山柱杖有人持。禪家慧柄
石霜心地從誰識。釋派玄機金人隱隱漢廷上。正招擽
兩足奇尊白氣蔥蔥。晉世中已橫出一枝活法。入國曰

青蓮妙相我亦云大雄法王古咸謂西方聖人今盡稱
南閻覺士智月常圓法雷頻震正爲般若涅槃菩提無
樹明鏡非臺允是真空世界

淨土佛國言清淨無穢雜也。梵語云沙門出家者。

總名以息心達本源故號沙門。又云桑門。佛經云。

如來以慈悲作室。通慧爲門。維摩詰曰。釋氏智度。

以爲母。方便以爲父。法喜以爲妻。慈悲以爲子。一苦。

提樹。釋迦如來成道時所種之樹。五百年一花。白樂。

天贈智慧禪師詩。方便風開智慧花。優鉢亦佛家。

所種之樹法華經作優曇鉢亦五百年一花 佛經
云菩薩乘大願船住生死海中呼引衆生上大願船
佛經云如來舉金色臂屈五輪指爲光明拳又云
決一切痴迷膜到一切功德岸 貝樹亦佛國所植
多以其葉寫經故梵語有云說法天花雨采翻經貝
葉成文 伊蒲饌齋供也後漢楚王英詣闕以繒贖
罪詔報曰王好黃老之言尚浮屠之教還具贖以助
伊蒲塞桑門之饌 八功德水 西域八池 傳燈錄有僧過天
龍禪師天龍豎一指示之僧大悟後嘗曰吾得天龍

一指頭禪。一生用之不盡。無我相。無人相。金剛經語。佛家衆香。如戒香。定香。慧香。解脫香之類。一梵語。以正受爲三昧。傳燈錄。道林禪師有侍者。學佛法。師於身上拈布毛吹之。其人遂悟。時號布毛侍者。傳燈錄。有僧問大梅和尚。爾見馬祖得甚麼教。曰。馬祖向我道。卽心是佛。僧曰。馬祖近日又道。非心非佛。大梅曰。任汝非心非佛。我只管卽心是佛。馬祖知之。謂曰。梅子熟矣。後漢達磨端居而逝。後三載。魏宋雲使西域回。

西域卽今
肅州府

遇師於蔥嶺。手持隻履。翩

翻獨逝。問師何往。曰西天去。明帝起。壙視之。惟一革履存焉。高僧傳。鄧州一僧名隱慧。日食二鳩。人號南陽鳩肉長老。或謂之師。張口鳩從口出。高僧傳。萬回禪師。九歲出家。兄遠戍。師往問訊。朝夕還。以萬里而回。人號爲萬回禪師。傳燈錄。洛浦禪師在夾山做典座。三年喫百頓棒。後大悟。嘆曰。斬新日月。特地乾坤。襄州居士龐蘊。參馬祖云。不與萬法爲侶者。是甚麼人。祖云。待汝一口吸盡西江水。卽向汝道。居士頓悟。傳燈錄。有僧問石頭和尚。如何修最。

上乘徹第一義石頭曰爾愛欲不除能以兩脚踏何須彌山耶蓋難之耳。佛陀耶尊者赤髭時號赤髭毗耶沙。達磨生而眼碧號碧眼禪師。釋曇如足白於面號白足僧。僧祖可善權清癯時亦號瘦權。慧可侍達磨夜大雪過膝師不之禮慧乃取刀斷臂師乃知爲法器。傳燈錄李渤問歸宗禪師大藏教明得甚麼歸宗舉拳示之李不答宗云讀萬卷書拳頭也識不得。梁高僧講經天雨寶花徐玉泉贈僧云杖錫飛身到赤霞石橋閒坐演三車一聲野鶴

仙濤起，白晝天風送寶花。

三車卽三乘
互詳天文

梵語兩散

寶華曇花帶潤雲呈錦采貝葉成文。

文逸文殊謂

維摩詰曰何爲是不二法門。摩詰不應文殊曰乃至無有文字言語是真入不二法門。一佛言四天之身。

謂地火水風假合成身。地大火大水大風大故謂四

大云。

三乘詳前仙佛

傳燈錄德山師有拄杖尋常僧至

多以杖打之。臨濟禪師遣侍者叅其教告之曰若打
返。接。取。其。杖。當。心。一。拄。侍。者。如。其。言。德。山。曰。從。來。疑
這老漢果識得透。佛偈云赤旂檀塔六七給白齒

昔花三四枝。禪客相逢。只彈指。此心能有幾人知。
霜舉以問。貫休休不能答。復問於石霜。石霜乃曰。他
有幾人知。佛曰。兩足尊。謂福足。慧足。漢明帝夢
金人飛空而下。問於傅毅。傅毅曰。西方佛也。遂使使
迎之。佛法乃始入中國。晉道信禪師見紫雲明蓋
下。有白氣一道橫分。弘忍禪師曰。莫是和尚化後。橫
出一枝佛法否。佛經云。大雄以慈悲致化。釋稱大
雄。猶儒家稱大聖。列子。太宰嚭問孔子。孰爲聖人。
子曰。西方有聖人。不治而不亂。不言而自信。不化而

自行蕩蕩乎民無能名焉。事文類聚云釋氏之教。

西竺稱瞿曇南浮稱覺士。清涼禪師云夫般若者。

苦海之慈航昏衢之巨燭。般若音鉢惹猶云智慧也藝文云涅槃亦曰泥洹又言常樂乃不生不死之地非云死也。

傳燈錄五祖求法嗣令寺僧各爲偈其上座神秀

曰身是菩提樹心如明鏡臺時時勤拂拭不使有塵

埃六祖慧能書於秀旁云菩提本無樹明鏡亦非臺

本來無一物何處惹塵埃五祖觀之法嗣遂定。

鬼神

魍魎魍魎木石之精。四象獐羊水土之怪。翁仲震臨洮之地。莫大形儀。巨靈勞首陽之山。最雄力量。國殤族厲。未是玄虛。牛鬼神不爲怪誕。律令雷霆之鬼。疾足無停。黔羸造化之神。生機不息。日馮夷。日河伯。總曰水神。爲語忘爲敬。遺悉爲胎鬼。潮頭來白馬。濤神遠屬靈胥。巖下現青猿。山鬼莫非量。錯黎丘多奇鬼。惑時必以僞。害真。夏郊有異神。祀處却轉凶。爲吉。肩吾固橐籥。泰山之主靈。若實網維滄海之君。伯有攪亂鄭邦。烈到英魂。

猶未泯雲長怖驚吳國堂堂精爽不曾磨美女甚都墓
內贈盧充金梳伶人頗好亭中教嵇氏瑤琴鄭文甫散
步江湄有幸賜江妃之佩劉長卿閒吟溪上何緣投溪
女之簪陸士龍講易通玄藉令王弼胡釘鉸吟詩得趣
托魄柳惲鴉鳴谷來來往往山魃牛渚磯擾擾紛紛水
怪室內伯高逢哂笑誰則不疑道間羅友遇揶揄人猶
有信第以邪難懲正更知幽不揜明唐時花月妖畏見
狄梁公之面晉代粉榆社愁逢阮宣子之柯魏元忠心
正無回頓使妖魔屏迹桓石虔名聞有赫遂令瘡厲銷

魂仍思手大人。臆貞夫舉筆。翻憶舌長吐地。壯士吹燈。
鄒德潤徒項王祠。莫須有牛僧孺宿薄后廟。豈其然人。
死爲三尸。柳子爲文。曾痛罵士窮。因五鬼。韓公作檄。便。
長驅作無鬼論。我且將同然賦。迎神詩人何必乃爾。

博物志云。水石之怪曰龍。罔象。木之怪曰夔。魍魎。士。
之怪爲羶羊。火之怪爲朱。無忌。魍音習五行志。秦。

始皇有長人見於臨洮。曰翁仲。始皇以爲祥。鑄銅像。
之。巨靈詳前地理律令詳前天文屈原國殤云。身旣死。神以靈。

予魂魄分爲鬼雄。注云。國殤謂壯而死于國事者。其。

精魄強壯。魂魄武毅。長爲百鬼之雄。族厲謂古大
夫無後者。事文云黔羸造化神名。事文類聚語
忘敬遺。二鬼名。孕婦臨產時呼此二名。則不害人。
吳越春秋。吳王還自伐齊。子胥諫不聽。自殺。吳王盛
以鴟夷投之於江。胥嘗乘白馬。見於潮頭。土人因祀
之爲壽神。幽怪錄。疊錯爲漢武所誅。葬於蒼目之
山。其精魂不滅。嘗爲青猿。號叫於巖中。土人目爲錯
鬼。幽怪錄。黎丘有奇鬼。善效人之子姪。扶丈人而
迫。苦之。黎丘丈人之市醉而歸。遇奇鬼。扶而苦之。歸

責其子。子曰：孽無苦也。丈人悟曰：是必奇鬼也。明日復飲於市，刺殺之。其子恐父之不及，近而救之。丈人望見其子，拔劍殺之。左傳：晉侯有疾，夢黃熊入寢。問何祟，子產曰：堯殛鯀於羽山，其神化爲黃熊，實爲夏郊。三代祀之。於是祀夏郊，晉侯病乃愈。肩吾、泰山神、靈若、海神。左傳：伯有見殺，鄭人驚曰：伯有至矣。則皆走。或夢伯有介而行，曰：壬子，余將殺帶也。明年壬寅，余又將殺段也。及壬子，弮帶卒，國人益懼。齊燕平之月，壬寅，公孫段卒，國人愈懼。其明年，子產立。

其子撫之害乃止。韻府崔少府女亡，有金椀者，墓中後與盧克成幽婚。女以金椀贈克，往市賣之。女姊知爲墓中物，詢得其由，啓墓視之。女生有一子，克取撫之，名曰煥兒。晉嵇康暮宿華陽亭，彈琴有伶人死者，葬斯地，乃詣康授以廣陵散。後臨刑東市，神氣不變，索琴彈之，奏廣陵散，曲終曰：袁孝尼嘗請學此散，吾靳固不與。廣陵散於今絕矣。唐鄭交甫出遊江湄，逢二女，不知其神也。女解佩以與之，行數十步，女忽不見。唐劉長卿暮春從溪上遊，吟有蜂抱花

鬚舞魚吹柳絮行之句。忽有女見而謂曰。郎君詞藻
客也。投之簪。須臾不見。晉陸雲字上龍。夜投宿人
家。見一少年共談周易。深明玄理。向曉辭去。覺在一
墓土。視之乃王弼塚。胡生者。以釘鉸爲業。宅西有
柳。惲墓。每飲茶必奠之。後柳惲托夢曰。我教爾爲詩。
後善詩。人目爲胡釘鉸。鉸音教唐時太原郡。鴉鳴谷。
山魘甚多。人獨行數遭侮。王建曰。我不怕鬼。每獨行
無害。牛渚磯詳走獸。龍伯高詳貧賤。晉羅友乞祿於桓溫。溫未
之重用。一日溫餞人作郡。賓僚俱往。友獨後至。桓問

其故。友曰：適來路逢一鬼，柳榆曰：我只見汝送人，作郡不見人送汝，作郡溫笑，以爲襄陽守。

拍掌而笑曰：柳榆。

唐武三思妓素娥有殊色，狄梁公請見之，忽失其所。在聞堂與中語曰：某花月妖也。梁公正人，吾不敢見。世說：阮宣子伐社樹，或止之，宣子曰：社而爲樹，伐樹則社亡，樹而爲社，伐樹則社移，何害。唐魏玄同心正直，未仕時，鬼數戲侮，一夕羣鬼舁其床，衆曰：能徙吾堂下乎？竟徙之。魏又曰：復能徙吾堂上乎？鬼仍徙至舊所，曰：公正人，不可侮，乃去。晉桓石虔有

雄名病瘥者但呼其名怖之其瘥輒愈。馬公亮嘗於燈下閱書有鬼以大手伸人臆中公以硃筆書花字鬼哀求不得出至曉泣曰公獨不見牛渚磯事耶公乃滌去其字鬼謝而去。晉嵇康燃燈夜坐彈琴忽有鬼入儀容甚怪遂吐舌七尺餘垂至地康滅其燈曰耻與魑魅爭光。梁蕭琛字彥瑜爲吳興守郡有項羽廟據廳事一半琛曰生不能與漢祖爭中原死據此廳事何也竟別遷之。牛僧孺落第歸暮失道遠望火光至一大宅閤者引之入珠簾中語曰妾

漢文帝母薄太后也。何至此遂呼出王嬙、楊太真、
潘妃、見禮畢。又別有善笛女子。太后曰：石家綠珠也。
既而薄后曰：今夕誰伴牛秀才寢。諸妃皆辭。薄后令
王嬙陪之。遂送入昭君院中。向曉而覺，乃知是鬼。
三尸之鬼。嘗以朔望上天。白人罪過，欲人死，爲鬼飲
祭也。柳子厚有罵三尸文。韓公送窮見前時令 阮瞻嘗作
無鬼論。忽有一客來坐，議論風生，以爲有鬼。瞻以爲
無爭論不已。客言：吾卽鬼也。於是不見。阮瞻西晉阮咸子
司空文明嘗作有迎神詩。

蘭雪堂古事苑定本卷之九

饒安

鄧志業撰

編

戴珉潔

西洽

戴璵瀾石
蔡定

戴琰師曾

形體

頭日高臺面爲廣宅駢拇之指迥異於人于思之鬚頰
殊於衆劉曜垂五尺髯遂作生民主張良掉三寸舌乃
爲帝者師垂肩耳大劉先主畢竟興王蓋膽毛深德謙

師自當成佛維翰一尺面宰相奇形比干七竅心忠臣

異蘊截臂節婦硜硜然千古貞操斷頭將軍凜凜乎萬

年烈氣蘇生正直膝豈容佞士作枕頭林蘊精忠項不

使頑奴爲砥石黃鬚都騎自古稱奇碧眼小兒迄今推

異白詹才子曾推馬氏之常疵面尙書更說趙家之孟

晉廷半個雖落落貌不颯宋殿一雙乃超超容自美班

超虎頭燕頰應封漢室之侯莊姜螭首蛾眉允作衛宮

之后孔隆頰陽虎亦隆頰是聖是狂舜重瞳項羽復重

瞳乃帝乃霸神同秋水徐卿之子豈常兒眉若遠山卓

氏之姬。卓美女。英雄常自別。僉云。冠萊公鼻息如雷。俊傑却非凡。始信王濟冲目光。若電更羨李青蓮之豪邁。眼空諸子。氣蓋羣公。寧知陸餘慶之猥庸。手重五斤。喙長三尺。然則麀頭鼠目。可求官邪。抑亦人面狗心。難爲士矣。

佛經頭爲高臺。而爲廣宅。又云。頭爲崑崙頂。三台君。

莊子駢拇。枝指。豈性也哉。駢。拇足。拇指連二指也。枝。指手六指也。

左傳。華元多鬚。伐鄭爲鄭敗。宋人歌曰。于思于思。棄

甲復來。于思。多鬚貌。晉史。劉曜身長九尺三寸。垂手過

滕目有赤光髯鬚百餘莖而長五尺餘。史記留侯
乃稱曰家世相。韓滅不愛萬金之產。爲韓報仇。疆
秦天下震動。今以三寸舌爲帝者師。封萬戶位。列侯
此布衣之極於良足矣。願棄人間事。欲從赤松子遊
耳。劉先生有奇相耳。大垂肩。人目之爲大耳兒。
德謙大師語錄。一僧拜師曰。三。口不相見。莫作舊
時看師。掘開胸云。你道我這裡有幾莖蓋膽毛。僧無
語。五代桑維翰。身短而面長。嘗臨鏡自奇。曰。七尺
之身。不如一尺之面。後乃爲相。通鑑。紂無道。比干

諫之糾怒曰吾聞聖人心有七竅命剖而視之果然
五代王凝爲虢州司戶卒於官妻李氏携子與其
骸歸投宿開封府主人不納牽其臂而出李氏大慟
曰此手爲人所執耶遂斷其臂府尹聞之咎主人厚
卹之而歸蜀志諸葛亮與張飛趙雲破巴郡獲嚴
顏喝曰何不降顏曰但有斬頭將軍無降將軍飛怒
欲斬之顏容貌不變曰斬頭便斬頭何爲怒耶飛壯
而釋之引爲上客嚴 蔣 大守 魏史蘇則爲人正直董
昭嘗枕其膝則推下之曰蘇則膝非佞人枕唐書

劉闢反林蘊以義責之闢怒欲殺之惜其直陰戒刑人磨刀於頭脅服之蘊叱曰死便死我頸豈頑奴砥石耶 吳史孫權生而眼碧時號碧眼小兒 黃巖詳前

武職自着詳前英賢 晉書趙孟爲尚書令善於清談面有疵

黯語曰諸事不決問疵面號疵面尚書 世說習鑿

齒有瘞疾符堅滅樊鄧素聞具名與釋道安俱與而

至與語大悅戲謂人曰止得半個人耳 謂習差可稱生丁

南宋史孝武帝選侍中四人並以風貌王或謝莊爲

一雙阮韜何偃爲一雙 班超事詳武職 莊婆衛莊公后

也。衛人賦頌人篇美之曰：手如柔荑，膚如凝脂，領如

蝨蟻齒，如瓠犀，螭首蛾眉，巧笑倩兮，美目盼兮。黃音

音由瓠音 互螭音秦 孔叢子云：孔子河目而隆額，陽虎貌似

聖人，故云。史記舜目重瞳，項羽目亦重瞳。杜甫

徐卿二子歌云：徐卿二子生絕奇，感應吉夢相追隨。

孔子釋氏親抱送，並是天上麒麟兒。大兒五齡色清

徹，秋水爲神玉爲骨。西京雜記：卓文君姣好，眉如

遠山，臉際若芙蓉。宋書寇準瀘淵之征，真宗使人

闕其動靜，公方熟睡，鼻息如雷。真宗曰：渠安枕如此。

必有勝筭也。朕何憂。晉書王戎生而穎異，神采秀

發，目甚清炤，視日不眩。裴楷見而異之，曰：「戎眼爛也。」

如富下電。

唐池戎字

杜甫撰李太白行實，公眼空諸子。

氣蓋羣公。

唐書陸餘慶善辯論，而謬於判。隋時人

嘲之曰：「說事喙長三尺，判事手重五斤。」唐書李揆

爲相，苗晉卿數薦元載，揆輕載體寒，謂晉卿曰：「龍章

鳳姿，士不見用，而盛頌鼠目子，乃求官邪。」載深仰之。

晉書符朗初過江，王忱與兄國寶命駕詣之，沙門

法汰問朗曰：「見王吏部兄弟，未明曰：非一狗而人心。」

及一人面狗心者。是耶。蓋忱醜而才。國寶美而毒。故也。

蓋臣曾報主介子推割股。煮羹亦聞明主不輕臣。唐太宗剪鬚和藥。彥回之髯似戟。豈爲亂階。李瞻之膽如升。不虧大節。魯仲連噴義聲。厲罵嚼齒。穿楸張睢陽鼓。烈氣戰呼。握拳透爪。孟郊以文才歷衆。且令韓愈亦低頭。子儀以功德服人。遂使承嗣頻屈膝。一沐三握髮。周公之接士。何勤十步。九回頭。蕭鳳之別兄。未忍婁師德。跛男子病於足。不病於心。孟嘗君眇丈夫。虧於形。不虧於德。嚴顏頭杲。卿髮雅堪入。烈士傳班。樊素口小。蠻腰更可上。美人圖畫。

晉書衛玠美丰姿時人愛之號玉人從殷浩至都下

都人聞其美爭看之觀者如堵唐書房琯見元德

秀歎曰見紫芝眉宇使人名利之心都盡紫芝元德秀字

漢書漢祖生隆準龍顏股有二十四黑子準鼻也孔

叢子云孔子河目海口又史云孔子生而首上圩項

索隱注云言項上中低四旁高也鈞弋詳天文趙雲詳武職

晉阮籍能爲青白眼見禮法之士以白眼對之惟嵇

康造之乃見青眼北齊書彭樂與周文決戰被刺

腸出納之不盡哉去復職長弘詳傷逝杲卿詳人事宋書王

德用狀貌魁偉而而色正黑雖邊遠君長皆知其名
識與不識稱之曰黑而相公塞北常呼其名以驚小
兒。韓退之贈孟郊詩云孟郊湖海士古貌又古心
漢史董宣爲洛陽令殺公主家奴主訴於光武上
令小黃門持宣謝主兩手據地不肯俯上敕強項令
出。蜀志關公在荊州欲回蜀與馬超角力孔明以
書止之曰超雖勇恐不逮美髯公也。宋亡文公爲
元所執屢求死元乃殺之咏史者有句云淋淋血化
千○年○碧○耿○耿○心○留○一○寸○丹。唐武后時有詆皇嗣異

謀者安企藏爭之不可引刀大呼曰請剖心以明
嗣不反割腹腸出武后驚曰吾有子不能自明不如
爾之忠也事遂白晉文公出奔介子推從焉文公
乏食子推割股以啖之後歸國文公忘封子推子推
作歌有一龍乏食一蛇割股之語唐書李勣疾醫
者曰鬚灰可治太宗乃自剪其鬚以和藥南宋史
稽彥回夜宿閣中公主就之彥回不敢動公主曰公
髯如戟何得無丈夫氣對曰回雖不敏不敢首為亂
階南史侯景亂李贍起兵爲賊所執正色自若及

剖腹見其膽大如升。史記魯仲連罵賊嚼齒穿齦。

唐書張睢陽恨賊握拳透爪。東坡帖云張睢陽

生猶罵賊嚼齒穿齦。顏平原死不忘君握拳透爪。

韓愈寄孟東野詩云低頭拜東野願得始終如駉蛩。

駉蛩三獸名。唐田承嗣據有魏地郭子儀遣使至

魏承嗣四望拜曰此膝不屈於人久矣今爲公拜。

史記周公謂子伯禽曰吾一沐三握髮一飯三吐哺。

猶恐失天下之賢。唐乘函云蕭鳳與兒鸞俱仕於

京鸞被命出使鳳與鸞別曰詩舉杯劇飲醉中分袂。

庶不悲。又賦詩云。頃刻歌渭水。十步九回頭。韻府
云。袁天罡于客師渡江。見舟中之人。氣色不吉。欲不
渡。忽跛足人至。客師曰。有跛男子在。無危矣。跛男子
婁師德也。史記孟嘗君之趙。趙人出觀之。笑曰。始
以薛公爲魁然也。今眇小丈夫耳。唐書顏杲卿爲
祿山所害。殉首于衢。莫敢收屍。張湊得其髮。持謁上
皇。是夕見夢。帝寤爲祭。後湊歸髮於其妻。崔疑之。
髮若動云。

晨顏詳前篇。蔡素
小蠻俱詳寵妾篇。

形體三

賈雍頭亡。猶能馳騁。張儀舌在。尚可縱橫。鄭元壽口代。可汗辭鋒不鈍。諸葛亮舌戰吳士。智劍誰當。嵇侍中之血。自馨陶靖節之腰。頗硬貞操。烈婦冰霜爲作心。肝富學文人。錦繡代成腸。胃明其目。張其膽。韋思謙不爲保。妻子之臣。實乃腹虛。乃心徐之才。可作希聖賢之士。婁師德待人量好。而中之唾迹未乾。申包胥復國心勤。足下之藹皮獨厚。巢父從潁川間洗耳。陶公在蓮社裏攬。着捫膝先生。獨高氣節。補唇士子。更妙文章。秦莊公顏。

如○握○丹○何○平○叔○面○猶○傳○粉○杜○弘○治○眼○若○點○漆○衛○莊○姜○膚○
似○凝○脂○張○太○僕○腹○大○如○瓠○更○乖○好○譽○古○尚○書○頭○尖○似○筆○
偏○擅○英○稱○衛○將○軍○骨○節○非○常○野○外○必○非○爲○牧○者○魏○武○帝○
儀○標○自○別○床○頭○豈○是○捉○刀○人○漢○李○廣○數○英○雄○獨○伸○猿○臂○
唐○馬○周○稱○卓○犖○乃○聳○鳶○肩○怒○髮○衝○冠○藺○相○如○不○屈○威○武○
喝○聲○振○瓦○桓○石○虔○豈○事○聶○需○英○布○鯨○面○上○之○痕○何○嫌○貌○
醜○岳○公○刺○背○中○之○字○愈○見○心○忠○第○林○甫○多○好○謀○口○裏○徒○
生○蜜○舌○而○祿○山○有○反○相○腹○中○焉○得○赤○心○宋○黨○進○雖○然○大○
腹○非○多○筭○之○人○也○唐○李○緯○徒○有○好○鬢○下○足○齒○之○儉○歟○

事文云漢武時蒼梧守賈雍出界討賊爲賊所殺失其頭馳馬還營營中咸走來視雍胸中語曰賊不利爲賊所傷諸君視有頭佳無頭佳乎吏泣曰有頭佳雍曰不然無頭亦佳遂仆而死史記張儀魏人嘗從楚相飲楚相亡璧意張儀所竊儀遭笞歸謂其妻曰視吾舌尚在否其妻笑曰舌在也儀曰足矣後入秦取相鄭元壽事詳力量篇蜀志孔明入吳與文臣張昭等辯論詞理不屈時謂舌戟羣儒稽侍中詳衣服篇陶靖節詳姑淡唐有節婦吟詩云玳池古冰雪爲妾作心肝死

者如復生。剖與良人看。

錦繡腸胃
詳前文章

唐書常思謙

爲御史嘗語人曰大丈夫居敢言之地當正色立朝。明目張膽安能碌碌作保妻子之臣耶。北齊徐之才八歲造周捨聽講老子捨設食戲曰不用心思義但思食乎之才對曰吾聞聖人虛其心實其腹捨大歎息。唐書婁師德有度量弟守代州辭赴在教之耐事弟曰人有唾面潔之師德曰潔之是拂其怒也但使之自乾耳。史記伍子胥覆楚申包胥欲復之往秦國乞師是重繭哭於秦庭者七日七夜秦人哀

之。乃爲之發師。

遠行者足下復起皮如繭故曰重繭又曰層繭

史記堯欲

讓天下於許由。巢父聞其事曰：「污吾耳也。」向潁水洗

之。適樊仲素牽牛飲。問其故曰：「莫污吾牛口。」乃從上

流水飲之。潁府晉遠公立白蓮社。招陶淵明。淵明

曰：「有酒則可。既至無酒，乃攢眉去。」趙宋喻汝礪致

仕歸，自號捫膝先生。唐方干生而缺唇，後遇醫者

補之，號補唇居士。秦人美莊公賦詩云：「顏如握丹。

其君也哉。」魏何宴字平叔，美姿容，面絕白。文帝疑

其傅粉。夏月，賜以湯餅，啖之汗大出，隨以朱衣自拭。

色轉白。帝始信之。晉書王右軍見杜弘治歎曰。膚如凝脂。眼如點漆。此神仙中人也。莊姜凝脂已見前篇漢

張蒼爲太僕。當斬解衣伏鎖。肌白如瓠。王陵言于沛

公赦之。如音胡器也後魏古弼爲尙書令。頭尖似筆。世

祖常名之曰筆頭。時人因呼爲筆公。衛青許貧賤篇世

說魏武將見邊使。自以爲形陋不足雄遠國。使崔琰

代自捉刀立床頭。禮既畢。使問謀問曰。魏主何如。使

答曰。魏主雄望非常。然床頭捉刀人更英雄也。魏武

聞之。追殺此使。漢史李廣爲將。猿臂善射。號飛將。

耶。唐史岑文本謂馬周。鳶肩火色。騰上必速。黃後

太宗名之四輩督促。互詳英賢史記趙得和氏璧。秦許

以十五城易之。藺相如捧璧往秦。秦王無償城意。相

如怒髮衝冠。曰必欲徒得璧。臣頭與璧俱碎於柱。遂

完璧歸趙。一晉史桓石虔。小字鎮惡。喝聲屋瓦皆震。

嘗從桓宣武枋頭之征。軍中莫有抗者。河朔間以其

名斷瘡。漢英布有奇相。相者曰當刑而王。後有罪

而鯨人號鯨布。佐漢祖定天下。封九江王。趙宋岳

公諱飛。憫宋室傾覆。欲恢復之。背上刺盡忠報國四

字秦檜忌其功殺之人弔以詩云矯詔遽成三字獄
涅忠辜負一生心 唐史李林甫忌文學之士或陽
與之善陷以甘言而陰陷之世謂林甫口有蜜腹有
劍云 唐史祿山有死罪張九齡曰祿山生有反柝
不宐赦明皇惜其驍勇竟赦之後得幸明皇指其腹
問曰此中何有對曰惟有赤心耳 趙宋大將軍黨
進食飽捫腹歎曰我不負汝左右曰將軍不負此腹
此腹乃負將軍 謂其少出智慮 唐李緯拜尚書房玄齡曰
此人好鬚太宗聞之知其無能也改洛州刺史

丰美

珠庭日角。世俗外人。瓊樹瑤林。風塵表物。元紫芝。矜宇。士士快瞻。周茂叔襟懷。人人競賞。丰神秀麗。蔣凝擅玉。荀之班姿貌。輕盈宋璟。滟金莖之秀。陶謝數晉朝。兩個拔萃。超羣。阮何爲宋殿。一雙離倫。絕俗風。李太白皎皎鸞鳳之姿。瀟灑上官儀。翩翩神仙之態。華子魚淵清壁映。遠韻孤鶩。皇甫湜玉質金相。清標特異。舟同於李膺。郭泰人仰。皆仙輿共於潘岳。夏侯士稱連璧。平原佳公子。飄飄濁世之中。汝陽真人。洒洒儔人之表。清高。

不俗裴公允。有仙標瑩徹。無瑕樂合。却爲水鏡。白圭振
鷺。劉禹錫實邁尋常。現玉秋霜。孔北海不侔庸衆。陳曲
逆美如冠玉。氣度英英。王安豐秀比琳琅。風猷湛湛。謝
希逸乃寰中奇物。文潞公固天下異人。妙矣劉敞。矯矯
雲中白鶴。美哉叔夜巖巖。山上孤松。是豈徒野鶴之在
鷄羣。更忽憶蒹葭之倚玉樹。天子問九齡風度。果然賢
相高標。邊使識孟德丰儀。自是英雄本色。潘安仁入市
羣婦女。擲果盈車。王君貺使邊。少狀元聚人盤。棟生遂
云亡。洛人謂看殺衛玠。泣魚有趣。楚君因寵極龍陽。

唐書李珣日角珠庭非庸人相晉書王戎日王衍

神姿高徹如瑤林瓊樹自是風塵表物

紫芝籍字
阮何一雙

俱詳
形體

黃庭堅作濂溪傳序周茂叔人品甚高胸中

洒落如光風霽月

北憲瓊言唐蔣凝美丰標每到

朝士家以為祥瑞朝士中皆號為玉筍班唐宋璟

傳璟風度疑遠人以為玉樹含輝金莖浥露

璟字
廣平

晉書晉世諸人天性粹溫者惟謝玄暉陶元亮兩個

人耳杜公贈李太白皎皎鸞鳳姿飄飄神仙態

上官子魚詳英賢
潘岳夏侯詳朋友

白樂天美皇甫湜云玉質金相

奇姿英發。

後漢李膺郭泰皆美風神同舟而濟望

之者以爲仙時號李郭仙舟。史記平原君傳太史

公曰平原君翩翩濁世之佳公子也。杜甫詩云汝

陽真天人。看字甚疎秀。汝陽王璣世說裴楷字叔則風

神高邁容儀俊爽當時以爲玉人見者曰見裴叔則

如玉山上行光映照人。李太白詩裴公有仙標拔

俗數千丈。晉書衛瓘見樂廣而奇之曰此人之水

鏡見之瑩然。皇甫湜美劉禹錫文眸子瞭然炯炯

清立望之真白圭振鷺也。後漢孔融傳融凜凜焉

皜皜焉。其與琨玉秋霜比質可也。陳平傳周勃說

陳平於漢王曰。平雖美如冠玉。其中未必有也。言平雖美

如冠上之玉而心中無有喻其有才而無德晉書有人詣王衍遇安豐

及大將軍敦丞相導在坐。及往別屋。又見王詔與澄

還語人曰。某今日觸目皆琳琅珠玉。南史謝莊字

希逸。丰儀甚俊。時人目之爲謝家奇物。東坡集文

潞公之在朝。契丹使耶律永昌劉睿來聘。望見公却

立曰。此潞公也耶。因拱手曰。天下異人也。晉書劉

敞劉紆俱美。丰儀。時人語曰。敞矯矯如雲中鶴。紆超

趙如暮天霞。世說嵇康身長七尺八寸風姿特秀。見者歎曰蕭蕭肅肅爽朗清舉。或云肅肅如松下風。高而徐引。山公曰嵇叔夜之爲人也。巖巖若孤松之獨立。其醉也傀俄若玉山之將崩。晉書夏侯玄美丰姿。毛曾嘗與之同坐。人謂蒹葭倚玉樹。唐書張九齡爲相。玄宗重之。及去位上每置相必問左右曰。風度得如張九齡不。嵇紹野鶴詳前英賢孟德丰儀詳前形體晉書潘岳字安仁。美丰姿。每出市羣婦女愛之。擲果盈車。趙宋王君貺弱冠及第。出使於契丹。人人相聚而

君爲之盤滿屋棟日看南朝少年狀元。晉書衛玠
從殷浩至都下。都人久聞其美。觀者如堵。玠先有羸
疾。體不堪勞。遂成病而死。人謂看殺衛玠。戰國策
楚王寵幸龍陽君。嘗與之釣魚。初得魚。命養之。再得
魚。比前魚更美。楚王命棄其前魚。龍陽君泣曰。臣今
得幸大王。猶前魚耳。再有美於臣者。臣在所棄矣。楚
王命無進美色。

醜劣

嫫母乏容。難與南威比。麗東施無艷。寧同西子爭妍。禍
衛誕。乃是狂生。苟晞殘實。爲屠伯。登徒妻室。姿儀猥劣
意情深。許郝子孫。衣服鮮明。容貌惡。谷楷之稱。瞎虎最
是兇徒。羊闡之號。秃鶯。豈爲雅士。裴佶自呼。爲甘草。似
非貴宦之丰。神文樹人目。爲獼猴。的是猥庸之相貌。馬
微奇醜。頗驚於劉守車。徒林公異人。未信於王君門。隸
防閑妻妾。密李十郎。還是妬癡。吝愛貨財。深和長輿。更
爲錢癖人頭。羅刹可知。鬼裏有人。鬼而夜。又不意人中。

有鬼見客。夫祗承宋五嘗多坦率。事君懷慕。逆朱三衛。
是奸邪藍面鬼異貌。而卽異心。獨眼龍奇名而不奇相。
李主簿雙瞳點翳眼中。常設籬籬。張玄祖兩齧亡牙口。
內頰開狗竇。黃巢之三屈律頭。有怪形鑿齒之半個人。
身非全體兒。童擲石獨憐。張載蒙羞。婦女嘔涎。還惜誓。
麋負恥。史敬奉體之迷陋。倘無勇。誰則知渠醜。然明貌。
也不颺。少不言。幾於失子。虜頭鼠目。寧堪求公卿大夫。
跛足禿瘡。豈可作皇后。天子善權。瘦削何減於肌師德。
蹒跚不良於步。瓊林宴上。却笑何人。是郭郎白水城中。

偏聞有客呼人鬼。

嫫母黃帝之妃。極醜。南威古美女。

嫫音模

東施越苾

蘿山東家施也。極醜。西子西家施也。極美。後漢禰

衡欲見曹公。着布單衣。疎巾。手持三尺悅杖。坐大營

門。以杖箠地。大罵吏白。外有狂生曹怒而怒之。晉

苟晞鎮青州。用刑嚴酷。吏民苦之。號爲屠伯。事文

類聚。登徒子其妻蓬頭。擘耳。齟唇。歷齒。又疥且痔。登

徒子生有五子。可謂好色者矣。唐兵部侍郎許欽

明宅。與中書郝處俊相隣。兩家子弟多醜。而盛飾車

馬以遊京師語曰衣冠好容貌惡不姓許便姓郝

魏谷楷目眇而性嚴酷人呼爲瞎虎北史齊王劼

太子寶卷臨喪爭鬪入吊無髮俯地情脫寶卷輟哭

笑曰秃鶯啼來乎鶯音秋水壽鳥一名扶老世說補唐朱泚之

亂侍中裴佖與衣冠數人佯爲奴求出城佖最寢陋

自稱甘草門兵曰此數子定非人奴如甘草者不疑

唐書劉文樹形小而且多毛爲侍中大夫同僚戲

之曰文樹不似獼猴獼猴恰似文樹耳司馬徽劉

侯之光使左右問其存亡值徵鋤園曰我便是

徽貌陋暗稱奇醜。左右罵曰：何物！曰：奴稱司馬。言即

徽更服而出。左右叩頭謝。世說王長史病，林公候

之，聞者曰：一異人在門。王笑曰：此必林公也。林公貌醜，故云。

支通王蒙。唐李益稱十郎。防閑妻妾過於周密。每夜

撒灰扃戶。時謂妬痴。癖詳富貴唐書監察御史李

全交專以酷虐爲事。臺中號爲兇。而夜又殿中王旭

亦以酷虐爲業。時人因號爲人頭羅刹。唐書德宗

微行西明寺。宋濟葛巾。方披書上曰：茶請一杯。濟曰：

開水方煎。自取之。上問姓名。曰：姓宋名第五。須臾聞

呼官家。濟惶恐。上曰。宋五坦率。後問禮部。放榜。濟無名。上曰。宋五又坦率也。官家天子之稱朱三。朱溫也。纂唐

之天下。盧杞。唐德宗相。面藍色。而心奸險。時稱爲

藍面鬼。李克用。本姓爾朱氏。唐徽宗賜姓李氏。克

用。一目眇。人稱爲獨眼龍。事文類聚。龍丘李主簿

目有翳。方于與之飲。戲之云。只見門外設籬。未見眼

中安障。晉張玄祖八歲。齒齟。先達知其非常兒。因

戲之曰。君口何爲開狗竇。答曰。正使君輩從此出入。

齟音謂齒斷也黃巢亂。合皮日休作識語云。欲識聖人姓。

田八二十一欲識聖人名果頭三屈律巢頭甚醜按
鬣不就疑日休譏已因遂加害晉張敞貌醜每出
小兒以瓦石擲之委頓而反警麋醜男子陳侯時
人每入市中婦女見之皆吐涎唐書史敬奉體逆
陋類不勝衣矛矢在手前無強敵左傳晉叔向適
鄭醜茂貌醜立於堂下一言而善叔向聞之曰必醜
明也下執其手以上曰令子少不處子若不言吾幾
失子矣醜音宗醜茂字然 鑿齒半人麋頭 五代
明不處謂貌醜 鼠日俱詳形體

史楊光遠病禿有智辨妻又跛其足後舉兵反人語

衣服

法冠製牙隱服裁荷嚴子陵灘上傘裘傲睨軒冕沈慶
之軍中狐帽鎮壓貌貅棄繻出關去終軍固有才
披褐八朝來王猛非無能之士老萊舞斑爛之服堂上
春風石建浣中垢之衣堦前化日雉頭裘美晉武帝勅
付於丙王獸錦袍新李青蓮醉輸於河伯時逢七夕阮
家曬犢鼻之褌節屆重陽龍嶺落烏紗之帽月明五夜
霜中士子牛衣風凜三冬雪裏神仙鶴氅韓昭侯猶惜
做袴王子敬偏草新裙須大夫贈范叔之袍情深念友

張釋之結王生之襪名重尊賢趙家飛燕多嬌宮內皆
石花廣袖郭氏林宗有道鄉中盡整角儒巾通天帶頓
輸嚴續之姬鵲裘爲貫相如之酒衣也垂鵲必無士
笑冠之聚鵲或有人憎緩帶輕裘牟叔子斯文主將葛
巾野服陶淵明陸地仙人金縷衣須入清歌研光帽還
歸妙舞唐士未須裁道服重他張孝子之緣晉君不忍
浣征袍留彼穉侍中之血

法冠獬豸冠也一角能觸邪故御史獬豸冠 楚
辭製芰荷以爲衣

嚴子陵
詳恬淡

宋沈慶之討河北山

蠻大破之。羣蠻皆稽顙慶之。患頭風，嘗戴狐皮帽。羣蠻畏之，號蒼頭公。王猛字景畧，有大志，聞桓溫入蜀，披褐見之，捫蝨而談，當世之務，旁若無人。爲符秦相。終軍詳亨達石建詳倫行老萊詳者英晉武詳君道李白明皇所賜宮錦獸袍，遊於采石，酣飲嘯歌，旁若無人。乘醉捉月，溺於水而死。世說：阮仲容步兵居道南，諸阮居道北，北阮皆富，南阮貧。七月七日，北阮盛曬衣，皆紗羅錦綺。仲容以竿掛大布犢鼻褌於中庭，人或怪之。答曰：未能免俗，聊復爾耳。仲容阮咸孟嘉落帽詳步兵阮籍時令王尊臥

丁事也

衣服

三

蘭雪堂

不詳

晉王恭美丰姿嘗乘高輿衣鶴氅裘行微雪

中人目之爲神仙中人

斃音

韓昭侯

世說補

欣少便靜默美言笑善容止父不疑爲烏程令王獻

之爲吳興太守年十二王甚知愛之嘗夏月入

縣卒着新絹裙晝寢獻之書裙數幅而去卒本工書

因此彌善史記秦相范雎與魏人須賈有隙及賈

使秦雎自稱張祿先生往詣賈詭言爲人傭賃賈意

哀之留與坐食曰范叔一寒如此哉乃取一綈袍賜

之後入相府見雎雎悉數賈罪曰公之所以得無死

者以綈袍戀戀有故人之意。乃釋公耳。綈袍厚，繒爲之。漢

景帝時王生善黃老言。張釋之爲廷尉。生令其跪而

結襪。釋之跪結之人。或讓王生。王生曰。廷尉天下名

臣。吾故使結襪以重之。諸公聞之。賢王生而敬廷尉

焉。石花袖許女子。後漢郭林宗鄉中人稱爲有

道。出行遇雨。巾一角墊。時人乃故折一角以爲林宗

巾。其見慕如此。葢音店。下也。一角垂落也。南唐遺事。嚴續相公

姬裴皞給事。通天犀帶。皆一代尤物。嚴出姬。裴出帶。

呼盧賭之。裴采勝。嚴悵然以姬與之。西京雜記。司

馬相如與卓文君遷成都居貧愁懣以所服鸛鵲裘

就市貰酒與文君爲歡

鸛音速鸛音霜鳥名以其羽毛織成裘貰音世貸也又賒

也

孫卿子曰子夏家貧衣若懸鶉人曰子何不仕

曰諸侯之驕我者吾不爲臣大夫之驕我者吾不復

見衣破而結之似鶉羽之垂然

左傳云鄭子臧奔宋好聚鸛冠

鄭人惡之使盜誘殺之人謂曰服之不衷身之災也

牟祐字叔子爲晉都督在軍中輕裘緩帶以臨兵

旅晉書陶潛解印歸居柴桑門前種五柳號五柳

先生嘗言五六月北窻下臥遇涼風暫至自謂羲皇

上人。世說補陶靖節在家郡將候陶值其酒熱取頭上葛巾漉酒漉畢還復着之。李恂子七歲夢王母宴羣仙舞者戴矸光之帽帽上簪花歌舞山香之曲。唐韓彥思爲孝子張僧胤作墓誌愧之縑一百彥思爲受一匹敕家人曰此孝子縑勿輕用也。稽紹蕩陰之敗百官散潰紹獨以身捍衛惠帝遂被害血濺御服事定左右請帝浣其衣帝流涕曰此猶侍中血勿浣也。

衣服二

汗衫興於漢祖。訶子擊自楊妃。逢掖士人衣。飄然絕俗。
備衫僧者服。迥爾離塵。暮雨淋淋。濕田婦。鴉頭之襪。秋
風颯颯。吹儒生。鳳尾之袍。春中之客。珠履盈盈。馬后之
宮。練衣楚楚。王喬屬仙。令鳥飛天外。之。鳧李后。是嬌姝。
釵化宮中之燕。元載橫開紫綃帳。必費方兄。山公倒著。
白接羅。乃酣歡。伯六合。被君王。御宇七斤衫。釋氏傳燈。
蜀郡有賢良。民歌五袴。長安多逆旅。客賦單衣。靜處討
論。蜀國馬融。施絳帳。坐中泣下。江州司馬。濕青衫。養士

重田文門客盜狐白裘脫難動人諺李白寺僧奉蘭縑
袴酬詩王陽使貢禹彈冠締交義重文帝爲董賢割袖
狎昵情深樂士共摩肩濟濟看馬鬼之譏高人能潔已
飄飄掛神武之冠梅花帳菟夢同清獬豸冠威稔獨峻
洵美且都有女遺王濛之新帽終貧且寡誰人換季子
之傲裘光武以赤幘起兵名芳千古晉懷以青衣行酒
事醜萬年蔡邕倒屣迎賓忘富貴而雅愛文章人誰不
齒溫嶠絕裾別母重功名而頓輕孝道我則奚爲
漢高祖與項羽戰汗透中衣故名曰汗衫禮記哀

公問於孔子曰。夫子之服。其儒服與。孔子曰。丘少居魯。衣逢掖之衣。長居宋。冠章甫之冠。○皇甫規解官歸。鴈門守謁之。不迎。及白衣王符在門。疾趨迎之。語曰。徒見二千石。不如一逢掖。逢掖謂肘掖之所寬大。故鄭玄曰。大袂禪衣也。

魏時嘗作佛事。見其偏袒。右肩乃拖其衣。名之曰

偏衫。而全兩肩也。又名離塵服。亦名無垢衣。李白

詩云。履上足如霜。不着鴉頭襪。田婦之襪。五代桑維翰

未仕時。緼衣襪。襪穿結。類鳳尾。人呼之爲鳳尾袍。

史記戰國春申君之門客三千人。皆珠履。東漢馬

明德皇后嘗服練服。謂姬媵曰：此繪宐染色。後宮皆歎服。莫敢尙華美。

詞子詳女子篇
鬼鳥詳神仙篇

漢武帝李夫

人有姿色。帝愛之。賜以白玉釵。藏之匣中。一日開匣。

化玉燕而去。元載芸暉堂。戶牖內設紫綃帳。得於

南洞鮫綃之類也。輕疎而薄。無所障礙。雖凝冬而風

不能入。盛暑則涼。自生其色。隱隱然。或不知其爲帳。

謂臥內紫氣之光而已。世說山季倫爲荊州時出

酣。嗚人爲之歌曰：山公時一醉。徑造高陽池。日暮倒

載歸。茗芋無所知。復能乘駿馬。倒著白接羅。舉手問

萬疆何如并州兒。高陽池在襄陽疆。是其愛將并州

人也。

山簡字季倫白接離卽白羗朝

五代唐莊宗滅梁平蜀志願

驕命蜀匠織十幅無縫錦爲被。後被成賜名六合。

傳燈錄云僧問趙州和尙法旨。趙州曰我在青州作

一領布衫重七斤。

廉范五袴詳仕進篇馬融絳帳詳師生篇

秦少遊

詞云客衣寒。客衣單。西風人度關。白樂天爲江州

司馬作琵琶行詞云坐中泣下誰最多。江州司馬青

衫濕。

狐白裘詳畜產

李白遊慈恩寺寺僧用水松脾乞

詩白爲題記僧乃以蘭縑袴醉之。

彈冠詳朋友身冠詳前篇

漢文帝嬖愛董賢與賢晝寢以平爲賢作枕帝欲起

賢睡未醒乃命左右取刀割斷其袖貴妃死於馬

鬼駟有老嫗得錦襦襪一隻士人爭以錢求看每甌

百錢前後獲錢無數陶弘景詳恬淡唐孟浩然咏梅花

帳詩云紫紗步帳最繁華臥雪眠雲自一家雪又不

寒雲又暖護持清夢到梅花晉王深美姿容出市

中羣嫗愛之見其帽被爭遺以新帽季子敝裘詳貧窮篇

漢光武初起義兵軍士持弓弩皆以絳衣赤幘晉

懷帝爲劉聰所執使之青衣行酒蔡邕詳朋友溫喬詳偷行

衣服 三

兜○蓋○將○士○之○盛○巾○幘○婦○人○之○服○荷○旃○被○毳○貧○寒○之○士○宜○
然○重○褥○累○裊○富○貴○之○人○乃○爾○韋○綬○之○纈○袍○采○采○祭○遵○之○
布○袴○翩翩○精○忠○膺○主○眷○狄○仁○傑○披○金○字○之○袍○陰○德○有○天○
知○裴○晉○公○還○紋○犀○之○帶○屈○子○紉○芝○蘭○爲○佩○軟○美○何○如○霍○
姬○燒○豆○蔻○熏○衣○馨○香○不○絕○肌○生○銀○粟○是○誰○寒○贈○紫○駝○尼○
肩○聳○玉○樓○有○客○煖○捐○紅○衲○襖○白○公○之○飛○雲○履○未○染○塵○埃○
趙○后○之○留○仙○裙○或○生○烟○霧○鄒○陽○曠○達○王○門○皆○可○曳○長○裾○
寧○戚○清○貧○農○野○不○妨○披○短○褐○閔○子○衣○蘆○花○之○絮○孝○行○純○

全漢王製竹籜之冠威儀自別飄飄風陣起清涼新入
廣文氈片片雪花飛沍凍頻侵東郭履曲江遊而春衣
試典河朔飲而夏葛輕披桃椎不徵野店頻懸居士屨
企生既死高堂肯著逆臣裘豫讓擊襄子之衣忠誠憤
發蘇氏織寶酒之錦精惻縈迴賞賚不輕勿笑昭侯留
敝袴繁華無愛可嘉桓子卻新衣子房還漢祖簪紳高
人態度宋主賜邊臣裘帽哲后規模除茲數事傳聞更
有一般比例邊文禮才堪用世尤爲世上襟襟龐士元
志則過人更作人中冠冕

堯。蓋。崑。也。堯音謀

巾。幘。婦。人。喪。服。孔。明。以。此。遺。司。馬。

懿。蓋。恥。之。也。王。褒。聖。主。得。賢。臣。頌。夫。荷。旃。被。毳。者。

難。與。道。純。錦。之。麗。密。羨。藜。含。糗。者。不。足。與。論。太。牢。之。

滋味。轟吹去聲古脆字家。語。子。路。既。貴。累。裯。重。褥。而。坐。歎。

曰。茲。欲。負。米。於。百。里。外。其。可。得。乎。唐。德。宗。時。韋。綬。

爲。翰。林。學。士。帝。幸。其。院。韋。妃。從。會。綬。方。寢。學。士。鄭。綱。

欲。馳。告。之。帝。不。許。時。大。寒。以。妃。蜀。纈。袍。覆。之。而。去。其。

寵。遇。如。此。漢。祭。遵。憂。國。奉。公。家。無。私。財。身。自。衣。布。

袴。狄。仁。傑。既。悟。武。后。疎。姪。全。子。武。后。重。之。特。製。金。

字十二於袍賜之以旌其忠。撫言裴度遊香山寺。有一女假得三帶以救父。過寺掛楯上禱神遺忘而去。度追還之後封晉公。人以爲陰德所致。唐霍小玉嘗云養紙芙蓉粉熏衣。豈菟香。山谷詩云。饑食青粃飯。寒贈紫駝尼。紫駝尼苦褐也。張平子春日與友人偕行。盡卸其衲。襖客曰。恐流鼻白耳。平子曰。春入玉樓不脫此。恐流鼻紅耳。玉樓肩也。白樂天燒丹於廬山。以玄綾作飛雲履。染以沉檀。振履則如烟霧。常着以示道友曰。吾足下生雲。計不久昇瑤府矣。留仙裙詳後宮

室蘆花絮
詳前倫行

鄒陽書曰使臣飾固陋之心何王之門

而不可曳長裾乎。寧戚飯牛歌曰南山粲白石爛。

主不遭堯與舜禪短褐單衣適至。舒齊桓公聞之遂

舉以爲相。舒音幹 卽胫骨漢祖微時以竹箠爲冠戴之人

號竹皮冠。箠音託 笋皮也鄭虔爲廣文先生杜贈以詩云

才名三十年坐客寒無種。東郭先生特詔公車貧

困饑寒衣敝不完行雪中履有上無下足盡踐地道

中人笑之及拜二千石出官門觀者歎曰相馬失之

瘦相士失之貧此之謂也。東郭先生 東方朔也杜子美春日

遊曲江嘗賦詩云朝回日日典春衣。每日江頭盡醉歸。漢劉松袁紹於河朔避暑。晝夜酣飲。避一時之暑。故河朔有避暑飲。唐朱桃椎隱廬山中。不仕嘗織芒屨置道傍。見者皆言朱居士屨也。易米置本處。桃椎至夕取之。終不見人。屨音。俱詳倫行。襄子殺智伯。豫讓爲智伯報讐。被獲將殺之。讓曰。願請衣擊之以示報讐。乃拔劍三擊其衣。遂伏劍而死。互詳韓昭侯有敝袴。命左右收藏之。曰。吾聞明主愛一頻一笑。今袴豈特嘖笑哉。吾特留此以待有功者。

世說桓冲不好着新衣浴後婦故送新衣與桓桓怒
催使持去婦更持還傳語云衣不經新何出而舊桓
大笑卽服之子房事詳形體全斌在蜀時京師大雪宋
太祖曰我被服如此尙覺寒况西征將士乎卽解裘
附遣人馳送斌斌感泣而受之邊讓字文禮才辨
俊逸孔融薦於桓帝曰讓爲九州之被則不足爲單
衣襜褕則有餘九州被極除廣履之意襜褕圍身裳也褕音干龐統字士
元往見司馬德操德操採桑樹上統立樹下談論不
輟德操稱之爲南州冠冕

珍寶

玉。斑。斑。靈。珠。瑟瑟。玉。重。連。城。之。價。千。古。傳。奇。珠。騰。照。
乘。之。光。萬。年。志。異。藍。田。白。璧。成。貧。士。之。姻。媿。麗。水。黃。金。
助。壯。夫。之。顏。色。曰。媛。玉。曰。軟。玉。總。是。奇。珍。名。火。珠。名。水。
珠。蓋。爲。至。寶。錢。流。地。上。龍。文。與。鷲。眼。爭。奇。金。出。冶。中。麟。
趾。及。袁。蹄。獻。瑞。珊。瑚。樹。塞。滿。石。齊。奴。之。室。瑪。瑙。盤。捧。來。
裴。行。儉。之。家。白。練。出。自。朱。提。非。耿。道。士。雪。花。削。就。美。珠。
生。於。老。蚌。豈。麻。姑。仙。粒。米。拋。成。草。木。增。輝。藺。氏。還。趙。邢。
之。璧。波。濤。生。色。太。公。釣。渭。水。之。璜。魯。褒。作。論。錢。曰。方。兄。

韓愈爲銘金云諛墓韓媽一出兒童覓綠野之金丸漢
祖既還亞父撞鴻門之玉斗夏桀留心於岷女刻盡茗
華齊侯敗績於晉師獻餘甌磬釵簪白玉燕飛漢代之
官錢鑄黃金蝶繞唐王之庫金埒金塢而且金其臺炫
人耳目錦帆錦帳而又錦其樹駭我見聞窮至富莫求
而得之失之有命存者若不貪爲寶而優也游也奚責
賈焉

事文類聚云班班玉名瑟瑟珠名 史記云趙得和
氏之璧秦昭王聞其美許以十五城易之故云連城

照乘詳英寶
監田詳婚姻

古詩床頭黃金盡壯士無顏色

唐武宗時扶餘國進火玉可以燃鼎置室中不必地
燒。唐天寶中外國進軟玉屈之則首尾相就伸之
則勁直焉。唐順宗時拘弘國貢水珠持入江海可
從水中行後化爲龍。南蠻有火珠日中以艾藉珠
則火出。漢武帝有龍文錢宋畧云錢一貫長三寸
曰鷲眼錢。漢武帝郊祀見白麟神馬遂以金鑄麟
血裏蹄以協其瑞。石崇小名齊奴。王愷與崇鬪富
不勝武帝出珊瑚樹高三尺者助之。崇擊碎之帝欲

其賄崇以高六七尺者賄之四五尺者殆不勝數。

唐裴行儉有瑪瑙盤廣二尺文采粲然軍吏趨跌盤

碎惶愧叩頭行儉曰汝非故也色不少變君子服其

量。銀曰白鐐朱提木縣名又山名出好銀故稱銀

為朱提。提音耿道士有仙術冬月間以雪削如銀

箕洛爐火中不消。格物志珠生於老蚌。後漢章

元將仲將兄弟並美孔融與其父書曰不意雙珠近

出老蚌。麻姑詳神仙
蒲氏詳形體呂尙釣於渭濱魚腹中得

玉璜刻文曰姬受命呂佐之。魯褒錢神論云大哉

錢之爲體親之如兄。字曰孔方。無翼而飛。無足而走。解嚴毅之顏。開難發之口。劉又持韓愈金而去。曰：此諛墓中人所得。不若與劉君爲壽。諛墓謂爲人作墓銘韓媽性奢侈。以金爲彈丸。一日所失者十餘。長安爲之語曰：若饑寒逐彈丸。京師兒童每伺媽出。輒隨往。望彈丸所落而拾之。媽音煙史記漢祖鴻門之宴。起如廁。樊噲曰：大行不顧細謹。大禮不辭小讓。如今人方爲刀俎。我爲魚肉。何辭爲？遂逃歸滎上。留張良。以白璧謝羽。以玉斗謝增。范增置之。地拔劍撞破之。曰：唉。

豎子不足與謀。奪項王天下者必沛公也。燧煌紀

年。桀伐岷山。岷山之君獻桀二女。曰琬。曰瑛。桀受二

女。刻其名於苕華之玉。甌磬。齊之寶玉。左傳云。齊

敗績於晉。獻以甌磬之玉。甌音燕飛詳前衣服不合詳前蘇潔

杜陽編云。唐穆宗時。禁中花開。夜有蛺蝶數萬。飛集

花間。上令張網獲之。得數萬。以火燭之。皆庫藏中之

金玉錢也。晉王武子養馬。編錢布地。號金埒。董

卓居郿塢。積金四十萬。號金塢。燕昭王置金於臺

以待賢士。號金臺。隋煬帝遊西苑。泛舟以錦爲帆。

以牙爲橋。石崇與王愷鬪富。列錦步帳四十里。

吳越王錢鏐於幼時所居之地。其樹皆掛以錦。號錦

衣將軍。

子罕不貪
詳廉潔篇

左傳初虞叔有玉。虞公求旃。

弗獻。旣而悔之。曰。周諺有之。匹夫無罪。懷璧其罪。吾
焉用此。其以買害也。乃獻之。又求其實。劍。叔曰。是無
厭也。無厭將及我。遂伐虞公。故虞公出奔共池。

珍寶二

有美玉於斯。懸藜結綠。積良金如彼。麟趾馬蹄。錯落火
齊。滄海月明。有淚玲瓏。瑤瑤藍田。日煖生烟。燕昭王之
京。珠炎蒸無暑。扶餘國之火。玉列亘無寒。囊裏青玦。用
却復來。曾幾許。篋中火浣。燒而不燼。更如何。琥珀盞。允
可酌賓。璫瑯瓶。最宜卜相。金雨於大禹之世。足驗治功。
錢飛於王尋之家。可徵陰德。嗣續將盛。鳴鳩化金。帶之
鉤。爵祿彌高。飛鵲幻玉。紋之印。夏桀乃昏庸主。國有瑤
臺。郭况是貴戚。卿家多金。允賜來蜀。嶺域中皆用。鄧通

錢泣罷荆山。天下盡聞和氏璧。刻岷姬之形。以玉好色。惟然鑄范蠡之像。以金尊賢。乃爾金四萬斤。間楚錢十萬貫。通神。楚璧琮琤。豈是張儀之竊。鮑金光采。還同管子之分。雖云鐵鑄。錯而不成。猶憶珠記事。而頓悟。勿謂玉抵鵲。而非貴。且言錢化蝶。而有靈。合浦珠還。僉謂孟嘗政美。鹿臺財聚。預知商紂運衰。蓋飲馬投錢。方爲正士。而渡河毀壁。乃是英夫。珠向腹中藏。偏笑賈人之拙。金從市上攫。可嗟俗子之愚。

懸慕楚之寶玉。結綠宋之寶玉。

李商隱詩滄海月

明珠有淚。藍田日煖。王生煙。

火齊珠名

拾遺記。燕昭王

時外國獻黑蚌珠。暑月懷之。極清涼。號昭涼珠。青

蚨。蠶名。取其子。母卽飛來。以母之血塗錢。八十一文。

又以子之血塗錢。八十一文。每市物用去母錢。子錢

飛來。用去子錢。母錢飛來。各循環無已。白帖。南炎

山有火鼠。以其毛爲布。有污則浣之。於火垢盡。火滅。

燦然鮮明。號火浣布。後漢梁冀以火浣布爲衣。會

賓客。爭酒。佯失盃。而汗之。解衣付於火。燃之。如灰。垢

盡。火滅。燦然潔白。搏物志云。松脂淪入地中。千年

化爲茯苓。再千年化爲琥珀。又名江珠。廣州志云。瑠璃出大秦高麗日南諸國。其性堅。刀刮不動。白色。厚半寸許。此自然之物。彩澤光潤。五代史。唐廢帝欲擇相。左右皆言盧文紀。及姚顥。有人望。帝因書姓名。納之瑠璃甌中。焚香祝天。以筭挾之。得文紀。遂以爲相。史記大禹之世。天雨金三日。民大利。唐王尋家。世代積德。家素貧困。一日大風。雨飛錢數百萬入室中。後富至數十萬。擅名江左。韻府羣玉。山西張氏。世有陰德。忽有鳩入室。祝之曰。爾爲禍耶。飛上

承塵爲福耶。飛入我懷。鳩飛入懷。以手探之。得一金帶。鉤遂實焉。自是子孫日富盛。唐張瓌見飛鵲。忽墜於地。化而爲石。剖之得玉印。文曰忠孝侯之印。通鑑。夏桀無道。爲肉山酒池。瓊宮瑤臺。郭况。光武郭后之弟也。帝數幸其第。賞賜黃金甚多。時謂之金穴。郭錢詳富貴。刻玉詳前篇。史記。卞和得玉璞。獻楚懷王。王以爲欺。則其左足。又獻平王。亦以爲欺。則其右足。後荆王立。復欲獻之。恐見害。乃抱璞哭於荆山之下。淚盡。繼之以血。荆王感而剖之。果得美玉。號和氏璧。乃

封和為陵陽侯。辭不受。作怨詩行而去。吳越春秋。

越既破吳。范蠡遂泛舟遊於五湖。莫知所終。句踐思

之以黃金鑄像而朝禮之。漢陳平說高祖出黃金

四萬斤以間楚之君臣。唐張延賞判度支。欲究人

冤獄。忽明日案上一帖云。奉錢五萬貫。乞勿問此獄。

公怒促之。忽明日又一帖云。奉錢十萬貫。公曰。錢至

十萬貫。通神矣。遂止不問。張竊玉詳形體錢化蝶詳前篇 鮑叔

與管仲友。鮑叔得金與管子分。管多取之。曰。鮑叔知

我貧也。五代羅紹威以魏博牙兵驕甚。盡殺之後

遂為朱溫所制。乃謂親吏曰：聚六州四十三縣鐵錢。

一個錯不成。

六州魏博恒益澶衛也。鑄錯不成盜歎其悞殺牙兵也。

唐張說

為相。有記事珠事之遺忘者，弄其珠則恍然悟。鹽

鐵論云：崑山之下，以玉抵鵲，謂其所產賤也。漢書

孟嘗為合浦太守，俗舊採珠以易米。先時二千石使

人採珠，積以自入，珠忽徙去，饑死者盈路。孟嘗化行

一年之間，去珠復還，合浦焉。史記紂王聚鹿臺之

財，積鉅橋之粟。安陵清者項仲山，每飲馬渭水邊。

必投三文錢而去。郝廉亦全列國記云：澹臺滅明賣壁

渡河兩蛟夾舟奪之。滅明曰：吾之璧可以義求，不可以威劫。乃拔劍斬蛟，蛟死，毀壁於江而去。唐太宗曰：西域賈人得美珠，剖腹而藏之，愛珠而不愛其身也。荀子云：齊人有欲金者，清且衣冠而之市，適鬻金者之所，攫其金而去。吏捕得之，問曰：鬻市之中，子攫人之金，何對？曰：取金之時，只見金不見人，此蔽於嗜慾而忘其形骸者也。

宮室

樓題一建風雨攸除居室可棲遲鳥巢兔穴規模推廣
大鳳闕龍樓井榦齊雲美奪瓊官之勝章華長信高依
珠斗之躔長楊殿翠影屯雲五柞宮綠陰翳目巍然天
祿清光分太乙之藜卓爾柏梁瑞露滴仙人之掌臺臨
江水劉表呼鷹樓掠雲蕭郎引鳳觀開玉局曾爲說
法之場閣建石渠已屬藏書之所涼臺煥館綠野堂制
度堪奇佳石異花平泉莊風光最絕秦阿房雄吞渭水
吳姑蘇勢壓虎丘是皆肯構肯堂亦有苟完苟美寇萊

公○庭○階○外○止○許○栽○花○李○文○靖○廳○事○前○僅○容○旋○馬○草○萊○勿○
剪○俗○矣○張○仲○蔚○之○門○污○穢○不○除○陋○哉○陳○孺○子○之○室○安○樂○
窩○弗○加○輪○奐○也○足○軒○豈○飾○丹○青○青○山○在○屋○上○流○水○在○屋○
下○溪○山○不○換○王○侯○南○陽○諸○葛○廬○西○蜀○子○雲○亭○風○月○迭○爲○
賓○主○蓆○爲○門○戶○甕○爲○牖○陳○平○之○蓬○室○虛○明○雲○作○藩○籬○山○
作○屏○柳○子○之○茅○亭○瀟○灑○兩○岸○好○花○橫○畧○豹○天○排○佳○景○與○
人○觀○一○庭○瘦○竹○護○菟○裘○地○設○名○區○從○我○欲○

詩小雅斯干篇約之閣閣椽之橐橐風雨攸除烏鼠
攸去君子攸芋 詩陳風衡門篇衡門之下可以棲

遲泌之洋洋。可以樂餞。宋人詩。龍樓鳳閣九重城。

漢武帝造井幹樓。高五十丈。在建章宮中。五代。

韓浦建齊雲樓。高與雲齊。故云。國語。楚靈王爲章。

華之臺。與伍舉登焉。曰。臺美矣。夫伍舉曰。君爲此臺。

人罷財盡。數年而成。若謂此美。楚其殆矣。長信。漢。

宮名。長楊宮。本秦宮。漢修飾之以備行幸。有垂楊。

因名。五柞宮。漢宮也。有五大柞樹。因名。柞音天

陶詳前文章相漢劉表好鷹。常登臺歌野鷹來之。

梁臺詳前天文吹簫引鳳。成都玉局觀。宅君。

曲時號爲呼鷹臺。

詳後樂具

成都玉局觀宅君

與張道陵至此有局脚玉床。白地湧出老君升坐爲道陵說。南北斗經故名。石渠閣在漢未央宮中。與天祿相對。乃漢藏書之所。唐裴度致仕治第東都號綠野堂。有涼臺。煥館。風臺。月榭之勝。唐李德裕爲相。營平泉莊。求天下佳石異花置其中。時有詩云。嶺北諸侯供異石。日南太守獻名花。秦建阿房宮。東西五百步。南北五千丈。下可建五丈旗。杜牧阿房宮賦有云。渭流漲膩。棄脂粉也。烟斜霧橫。焚椒蘭也。吳王夫差旣得西施。爲築姑蘇臺。高三百丈。游宴

其上。伍子胥諫曰。臣恐姑蘇不久爲麋鹿之遊。王不聽。後越伐吳。臺遂見焚。宋寇萊公出入宰相三十年。不營私第。庭階下並無廣地。僅可栽花而已。處士魏野贈詩曰。有官居。無地起樓臺。公南遷時。北使至。內宴。歷視諸宰。執語譯者曰。孰是無地起樓臺。相公說。出世。宋書李文靖公沆爲相。治居第。廳事前。僅容旋馬。或言其太隘。公曰。爲宰相。廳事誠隘。爲太祝奉禮。則廳事已寬矣。世說補。張仲蔚隱居平陵。蓬蒿滿室。惟開一行徑。漢陳蕃年十五。閒居一室。

庭宇無穢殆滿薛勤往候之曰孺子何不掃除以待賓客蕃曰大丈夫處世當掃清天下安事一室

樂安

窩也足軒俱詳前怕淡篇

陋室銘云南陽諸葛廬西蜀子雲亭

孔子云何陋之有一

陳平事詳貧賤

柳子厚茅亭記云因

高山之阻以面勢無節枕之華不斲椽不剪茨不列墻以白雲爲藩籬碧山爲屏風昭共儉也唐人閑

居詩兩岸好花橫畧狍一庭新竹繞欄杆

狍音少小橋也

菟裘魯公隱居之場左傳云速營菟裘吾將老矣坡

詩一庭瘦竹護菟裘

菟音兔菟絲草名矣

宮室二

宋殿玲瓏重門洞開周邦鞏固百堵具興神堯之階下
生萸唐帝之宮前秀竹長安未央殿巍然壯渭水奇觀
荆楚岳陽樓美矣挹洞庭秀氣江水滄池源鍾山增城
址金陵允是帝王都洙流清翰墨岱嶽聳文峯闕里雅
宜賢聖宅避風臺妃子揚歌凌煙閣功臣列像翹材館
欽賢館漢公孫延士之區臨春樓結綺樓陳後主幸妃
之所花月芙蓉館雍雍仙子儀從風霜細柳營赫赫將
軍號令萬里橋程途迢遞寧知唐主經過百尺樓氣象

崢嶸還屬元龍獨臥盤龍齋內瑞氣常臻夾馬營中異
香○遍○達○碧○雞坊裏神仙至朱雀橋邊士子遊黃龍殿上
宰○臣○朝○白○虎○觀○中○儒○士○集○花○莠○樓○一○聲○玉○笛○淒○清○蕊○珠
宮○幾○度○鸞○笙○響○曉○雪○巢○旣○構○應○無○半○點○俗○塵○月○榭○已○成
朕○有○十○分○佳○景○靖○節○門○前○栽○五○柳○隱○士○家○風○晉○公○堂○下
植○三○槐○相○臣○地○位○鳩○鵲○觀○滿○階○明○月○蝸○牛○廬○一○榻○清○風
延○閣○虛○明○好○貯○書○吹○臺○突○兀○堪○懷○古○霍○將○軍○甲○第○高○入
雲○霄○王○司○馬○門○牆○廣○容○旗○戟○退○思○崑○是○魚○頭○叅○政○退○思
時○知○妄○室○乃○半○山○居○士○知○妄○處○至○道○坊○間○土○窟○更○爲○司

馬勝居浣花溪上草堂。最是杜公樂地。晏居既苦。遺勞
霸主新更謝宅。猶存寧許權臣。妄奪否中道。常泰原憲
麤。屈而且桑樞安處。身欲危。哥奴重關。而又複壁。

宋太祖曰。重門洞闢。正如我心。少有私曲。人皆見之。

詩小雅斯干篇。似續妣祖。築室百堵。西南其戶。愛

居爰處。爰笑爰語。

黃荻詳
後翠草

唐書玄宗兄弟友愛。

後苑竹叢幽密。帝謂諸王曰。兄弟相親。當如此竹。因
謂之義竹。未央殿。漢祖命蕭何所造。取夜未央之
義。岳陽樓在鄂州。據洞庭之勝。范仲淹岳陽樓記。

有浮光躍金。靜影沉璧之句。吳都賦云。鍾山增其

城。江水深其地。金陵是吳都地。故云。謝玄暉云。江

南佳麗地。金陵帝王州。飛燕外傳。漢成帝后趙飛

燕。體輕不勝風。帝爲製七寶避風臺。后善爲歸風送

遠之曲。歌於臺上。酒酣風起。后揚袖曰。仙乎。仙乎。左

右捉其裙。帝曰。此留仙裙也。唐紀。太宗圖瓘

臣二十四人於凌煙閣。公孫弘詳人事。陳後主詳女子。周亞夫詳武職。

括異記。有朝士晚赴朝。見美女二十餘。並馬而行。丁

度在後。朝士驚問之。最後一人曰。迎芙蓉館主。俄而

聞丁度卒。成都記諸葛亮送費禕聘吳至一橋曰
萬里之行始此。因名。後明皇幸蜀至此橋。大歎曰。僧
一行曾謂朕曰。二十年國有難。當遠遊萬里外。今至
此矣。由是駐蹕成都。陳元龍詳實主南宋劉裕幼有大
志。嘗作一小齋。扁曰盤龍。蓋以其能變化也。宋紀
趙太祖生於夾馬營中。赤光滿室。異香一月。人因號
爲香孩兒。漢宣帝時有方士曰金馬碧雞之神。可
祭而致。帝因建碧雞坊。朱雀橋在吳西。晉士子遊
觀之所。劉禹錫烏衣巷詩。朱雀橋邊野草花。烏衣巷

口夕陽斜

魏晉時有黃龍殿

漢宣帝詔諸儒於

白虎觀中講五經同異

唐書明皇友愛諸王建花

萼樓常與諸王宴飲其上寧王好吹玉笛故云 藥

珠宮神仙所居 宋林景思作廬舍以雪景成名之

曰雪巢楊廷秀作賦其畧云式瑤我室式瓊我廡我解絕

無一埃點我勝槩

月榭詳前篇
五柳詳衣服

聞見錄云王祐

有大功於朝不得相謂人曰我不做二郎必做乃手

植三槐於庭曰吾子孫必有爲三公者後王旦果相

東坡爲作三槐堂記 唐人詩金波飛鵲鵲鵲觀

名金波月也。魏處士焦光作四舍形如蝸牛號蝸牛廬。蝸有角如牛故名蝸牛。藝文志云漢書府名爲延閣內庫也。韻府云杜甫從李白過汴州酒酣登吹臺慷慨懷古人莫測也。吹臺梁王歌臺漢紀宣帝賜霍光甲第一區。崔灝詩有云長安甲第高入雲誰家居住霍將軍。晉書王濟爲司馬起第宅開門前路廣數十步或問之濟曰吾欲其容長戟旗旂如于公容駟馬高蓋車。宋魯宗道號魚頭叅政營一小室曰退思堂每退朝獨居其中雖妻子不許入。宋荆

公自號半山居士。築一室曰知妄。自爲語錄云。爲妄卽妄。是真認妄爲真。雖真亦妄。朱王拱辰於洛之道德坊起屋三層而居。司馬公於至道坊掘地爲室居之。富鄭公嘗問邵堯夫曰。洛中有何新事。堯夫曰。有一巢居者。有一穴處者。遂以二公對。富公大笑。杜甫在成都時。劍南節度使裴冕爲十浣花溪作草堂以居焉。左傳齊景公欲更晏子之宅。謂晏子曰。子之宅近市。不可以居。請更諸爽塏者。晏子辭。及晏子如晉。公更其宅。反則成矣。旣拜。乃復舊宅。

塏

上声高爽也拜
蓋拜而受也

晉書桓玄欲以謝安宅廣其地謝

琨曰名伯之仁猶惠及甘棠文靖之德更不保五畝
之宅耶玄慚而止 莊子原憲居環堵之室桑以爲
樞甕以爲牖上漏下濕坐而絃歌 李林甫小字哥
奴爲玄宗相自覺結怨於人每愛刺客之害已其所
居室防護甚密爲重關複壁每夕而數徙雖家人莫
知其常處